



Corsa e Caminada des 15 Pòbles



XV EDICION DERA "CORSA E CAMINADA DES 15 PÒBLES"

II EDICION DES "ESCALES TATH CÈU"

I TROFÈU "COMBI-RUNNER"

ES DIES 27 E 28 D'AGOST DE 2011

- **Mieja maraton de montanha que se pòt hèr corrent o en tot caminar e que traùesse 15 pòbles dera Val d'Aran.**
- **Cronoescalada en tot pujar es escales d'ua centrau hidroelectrica.**
- **Esveniments entàs participants damb era organizacion d'ua dimenjada completa, damb activitats esportives e culturaus en Vielha, eth caplòc dera Val d'Aran.**

Camin Reiau, www.caminreiau.cat, organize per dusau an era **Corsa e Caminada des 15 Pòbles**, un eveniment esportiu consolidat ena Val d'Aran e qu'enguan celèbre era sua **edicion numèro XV**, era darrèra dimenjada deth mes d'agost.

Se tracte d'ua mieja maraton de montanha qu'a era gessuda en Es Bòrdes e era arribada en Vielha dempús de passar per 15 pòbles dera Val d'Aran. Aquesta pròva se pòt hèr en tot caminar o en tot córrer, damb prèmis entàs corredors e presents entà toti es participants. En tot córrer, sus ua distància unica de mieja maraton, 21,0975 km, e en tot caminar en tres distàncies diferents: 21 km, 15 km e 5 km.

Ena edicion de 2010 i auec 450 participants. Enguan barraram inscripcions quan s'arribe as 500.

Tanben, dempús deth succès dera cronoescalada des escales dera centrau hidroelectrica d'Endesa de Vielha, enguan se harà era **II edicion des Escales tath Cèu**. Aquesta pròva a un desnivèu de 200 m, en un recorrut de 350 m damb mès de 400 escales.

Ena prumèra edicion i auec 27 participants e enguan mos prepausam er objectiu d'arribar as 50.

Coma **NOVETAT** e en tot cercar collaboracions e sinergies damb d'auti eventos organizadi ena Val d'Aran, enguan auem creat eth **TROFÈU COMBI RUNNER** entàs corredors qu'abans agen participat, ena madeisha dimenjada, ena **SKY RUNNER DE CARROS DE FOC** de 65 km de distància e qu'eth dimenge participen ena mieja maraton dera **Corsa des 15 Pòbles**.



Corsa e Caminada des 15 Pòbles



Atau, com ena anteriora edicion, volem que toti agesti eveniments servisquen entà víuer ua dimenjada esportiva e tanben de hèsta, e damb aguest objectiu i aurà, parallèlaments, diferenti eveniments ath long des pròves:

- Jòc concors entà adults e mainatges pendent es pròves.
- Concors fotografic.
- Hèira deth corredor.
- Sopar dera pasta.
- Actuacions teatraus, musicaus e animacions entara mainadèra.

Amassa damb aguesta nòta de premsa vos includim un pdf damb eth reglament dera pròva, es prètzis dera inscripcion e d'autres informacions que pòden èster deth vòste interès. Aguest pdf tanben ei disponible ena web dera corsa:

www.corsa15pobles.org